

Deo opt. max. uni & trino, Virgini Deiparæ, & sancto Luca orthodoxorum Medicorum Patrono.

(1659) Aug 1359

## Q V Æ S T I O M E D I C A.

Cardinalitiis disputationibus manè discutienda in Scholis Medicorum, die Jovis 18. Martii.

M. CLAUDIO QUARTIER, Doctore Medico, Præfide.

*An vitandus somnus statim à cibo?*

**M**INUS cautè suis Ille rebus prospicit, qui pulchræ & amabilis Sanitatis tuendæ studio molliori ducitur, cum jure censeatur summa Mortalium felicitas. Sanitatis ope & subsidio ad præclaras actiones aditus datur: Eâ Corpori denegatâ scerpissimè marcet Animus, & hujus fit consors intestinæ calamitatis, quæ nata cum ipso virtutum semina non finit adolescere. Opus est igitur in hunc vitæ tenorem diligenter incumbere, quo, qui laudabilem Corporis habitum sortiti sunt, his Naturæ commodis & muneribus terque quaterque beati, constanter gaudeant. Ii verò quorum Corpus ita constitutum est, ut causarium fit lacerum & caducum, ac proinde variis cladibus & procellis magis objectum, Artis divinæ salutaribus institutis utcumque sustineant, & ab acerbiori fato liberent. Utrique idcirco con-ducet aër salubritatis dotibus celebris; Omnis error in victu fugiendus; nunquam proderit otio & ignavia torpere, sed exercitationibus assuescere, quibus, ut triticum ventilationibus, Corpus perpurgetur, alitur, nitorem & robur acquirit; Juvabit item nullis impedimentis excrementis tenere; Musarum inimicæ veneri vacare non crebrò, cujus abstinentia promittit grandius ævum; Animi motibus injicere compedes, in vigilis servare modum; vitare tandem intempestivum somnum, eique sic indulgere, ut, quam inspirat Natura viam tutiorem expediendæ salutis, ab eâ nusquam aberrare liceat.

**C**UNCTIS Animantibus communis somnus, dejectæ laboribus vitæ præfens est perfrugium: verè Homini *complectitur*, quippè huic etiam datus ad sollicitudinum medicinam. Illo pretioso Naturæ dono Animus quasi evocatus à societate & contagione Corporis feriat: Corpus labens & inclinatum miserrè levatur. Ac quomodo Milites tristibus excubiis, bellicque durissimis operibus penè exanimati, ut vires resciant, jubentur ad signa convenire, ibique paulisper otari, ut indè, iis redintegratis, acriores ad pugnam redeant, novisque & ingentibus cæptis animosè dent operam: pari modo calor & spiritus vigilis, atque cogitandi sentiendi movendique assiduitate non parum exhausti, quicquid in iis fuit acceptum detrimenti, sarciant eo tempore, quo ex quieta mente & bona cerebri temperie nascitur hæc functionum penè omnium animalium cessatio, adjuvante plerumque succi benigni anathymiali, quæ ad ipsum ut *aperitur admodum* seu fontem sensuum fertur, eos amico quodam & familiari vinculo ligatura. Et licet Homines per vigiliam maximè vivant, & tunc parvi sint pretii, cum vigilare cessant, hos tamen vis somni domina summo jure perit, cui, si sese dedere, ejusque lenibus imperiis cedere recusent, certo eorum capitis exitio futurum. Naturæque placitis & communi omnium bono sancitum est, diurno nocturnum esse salubriorem, ut diurni laboris molestiæ blandâ hacce remissione castigentur, quem etiam suadent cadentia sydera, dulcem invitant tenebræ, & illi dicatæ tranquilla silentia noctis.

**S**OMNUS ad rationem sanitatis dirigi debet, & Naturæ votis respondere, quæ cum sensuum quiete solidam humorum & spirituum instaurationem nova ex assumptis cibis generatione molitur. Tunc enim tota ad res suas domesticas attenta, mutuo partium sibi spontè inservientium auxilio coctiones perficit: Erne tam diu quasi mortua & sepulta vetero jaceat, somnum moderatum exigit, ut viscerum cibus est, fomentum, recreatio. Sicut autem modum excedens vigilia Corpus impensè macerat & exedit, soletque intemperiem siccam inducere, sanguinem & spiritus superfluos jamdiu agitato immutare, bilique facies admovere, quæ soluto frano pristino licentius furit, & tunc, exultans inque flammam erumpens, modo febres varias, modo dyenteriam, choleram, pleuritidem, amplamque morborum hifce affinium fecuram producit: Similiter somnus plenior, & ultra justos fines terminosque progressus, occultæ esse solet pernicii visceribus, dum tunc temporis longiori morâ collectus ingenio suo vorax natus calor, sui ipsius pabulum depascitur, adeo ut, qui servator & sospes fuerit desideratus, hostiliter sæviat & grassetur in vitam, cujus interest maximè fundum non exarescere. Sic quæ refertur accepta Naturæ vita, hocce casu miserabili divulsa concidit, diæque fatalis maturabitur, licet ab eâ, nec ars ulla, nec ulla pharmacum possit quemquam vindicare.

**N**EQUE postrema quoque curarum esse debet (ne belluarum more ulla alia sit nisi vorandi ac mox dormiendi vicissitudo) ut inter cibum & somnum interponatur aliquod intervallum, quo tum exercitationibus levioribus Corpus ventiletur, tum Animus ludens & suaviter otiosus, jocundis ad sui relaxationem colloquiis oblectetur, quæ neque gravent Corpus, neque vim ventriculi concoctricem inturbent: atque cum in inflammationibus internis & accessionibus febrium quandiu intenduntur & vigent, somnus æstimetur admodum periculosus, magnoque conatu sit prohibendus, qui cæteris temporibus non mediocri futurus est adjumento: haud aliæ sunt benè valentibus servandæ leges, nec momenta alia ponderanda, quos ita parari & instrui oportet ad somnum ineundum, ut nunquam ab illius tempore minus apto, seu infesto & iniquo non abhorreant, eamque huic se tradendo capient opportunitatem, quâ non tumultuosus sed placidus concilietur, quem purgatissima, si quæ eveniant, comitentur insomnia; E quo Natura, quæ prius in operibus languidiùs versabatur, excitata se ac planè restitutum periclitatur, factâ videlicet accessione novâ caloris & spirituum naturalium vitalium animalium specie distinctorum, qui nec ullo vitio, nec ullis sordibus inquinati, toti splendeant, ex quorum uberibus copiis habilis membris venit vigor, totius Corporis emergit integritas, Animusque ad cogitandum melior redit.

**S**OMNUS hifce omnibus fraudat bonis, sexcentisque præbet incommodis rudimentum, qui cibos mox ingestos in ventriculum quam proximè subsequitur: Siquidem dum aridi cum humidis alique cum aliis diversæ substantiæ confunduntur inter se atque permisceantur, nec non frangi & comminui, mutari & concoqui incipiunt, Naturæ vis omnis gravatur & in potestatem ac sævitiam humorum superfluorum venit, quibus expurgandis per vigilas semita patet, quæ per somnum interclusæ perhibentur; qui ut duræ sunt indolis perditique moris, œconomiz naturalis statum pedetentim convellunt: Ecquis enim credat, inclusis his in Corpore pestibus, tutam & turbarum securam diutissimè vitam stare posse: quippè non tantum in venas irrepunt insciantque sanguinem, sed fumosis exhalationibus sacram Palladis arcem adiungunt, obsident & nativam ejus temperiem pessundant: Hæc vero in serum molestissimum soluta, fluxionum multiplex generis sunt parentes, alias aliæve partes subiectas vicissim affecturæ, nova quærentes loca ubi vestigia figant, pulmoni sæpe pacem adiungunt, ipsique labem inurunt inemendabilem: Capite coercita, gravædinem importunam pariunt, serena sensuum organa impurâ suâ illuvie sedant, soporem inducunt vitæ inimicum & insidiosè rapientem, paralyfim, apoplexiam aliosque gravissimos affectus accersunt: adeo perventur atque depravatur isthæc naturalis affectio in iis quos tam adverso tempore complectitur & occupat: quos denique dormientium placidissima quies perpetuò deserit, & vigilantium ad omne ministerium agilitas summè expedita deficit.

*Ergo vitandus somnus statim à cibo.*

Proponebat Parisiis JOANNES-MICHAEL GARBE, Parisinus, Baccalaureus Medicus. A. R. S. H. 1683.